

PRESS NOTE

Dated 8th January, 2025: Ni 7.1.2025 (Thawhlejni) khan Mizoram Public Service Commission (MPSC) in tunhnaia Entomologist under H&FW Department hnalakna a kalpui dan chungchangah MPSC a thawktute leh Mizo Zirlai Pawl (MZP) General Hqrs. hruaituten inkawmkhawmna hun, MPSC Office-ah an nei a. He hunah hian MPSC lam aiawh mi 6 te hi Secretary Dr.H.Lianzela'n a ho a, MZP lam aiawhin an President, Pu H.Lalthianghlina hovin OB mi 4 leh Adviser te an tel a ni.

December ni 12, 2024 a MZP thuchhuah a tarlan: **“MPSC-in Entomologist hna a lak dan leh Veterinary Asst. Surgeon hna a lak dan hi chhui chiang a, a tul anga hma la turin Mizoram Sawrkar a ngen a. December ni 20, 2024 ral hmaa hmalakna a awm lo a nih chuan, hmalak zel dan tur a ngaihtuah dawn a ni,”** tih chungchang ngaihtuah ho tura inkawmkhawmna leh Kumthar thingpui inhona hi neih a ni.

Boruak tha tak hnuaiah inkawmhona hi neih a ni a, MZP lamin an thil hriat duh leh hriat chian loh an neih hrang hrangte leh dikhlel nia an ngaih laite thil awmzia diktak hmaichhanah inhrilhfiahna hun hman a ni. MPSC leh MZP hian hun lo kal zel turah thawhhona tha tak nen inpawh taka hmalak ho zel tha an ti tlang a, MPSC zahawmna humhim a nih zel theih nan leh tha taka a kal theih nan thawhdun zel nise an ti bawk.


MPSC sawmna ngai pawimawha inkawmkhawmnaa MZP an lo tel theih avangin MPSC chuan lawmawm a ti hle a. MPSC hnathawhna kawngah hriat chian duh an neihte zawt fiah a, a tul ang zela thurawn pe a, finchhuah thin turin Commission chuan MZP te hi a ngenin a sawm a ni.

Sd/-K. LALRINKIMA
Additional Secretary & PRO
Mizoram Public Service Commission
Aizawl

Memo No.F.20021/13/2008-MPSC Dated Aizawl, the 8th January, 2025

Copy to:-

1. Sr.PPS to Chairman, Mizoram Public Service Commission.
2. PPS/PS to Members, Mizoram Public Service Commission.
3. The Director, I&PR, Govt. of Mizoram for favor of information with a request to make wide publicity.
4. I.T. Cell, Mizoram Public Service Commission, for uploading on the website.
5. Direct Recruitment Section, Mizoram Public Service Commission,
6. Notice Board.
7. Guard File.


(LALSAWMZUALA)

Deputy Secretary
Mizoram Public Service Commission
Aizawl